



Broj: 1081/23

Datum: 08.06.2023. godine

Na osnovu člana 64. stav (1) tačka b), člana 70. stav (1), (2), (3) i (6), člana 88. i člana 89. Zakona o javnim nabavkama Bosne i Hercegovine („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine i br. 481/23 od 17.03.2023.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 1078/23 od 07.06.2023. godine, Direktor

donosi

O D L U K U **O IZBORU NAJPOVOLJNIJEG PONUĐAČA**

- I. Prihvata se ponuda prvorangiranog ponuđača GRANULO-RE d.o.o. Sarajevo sa sjedištem u Sarajevu, ul. Bojnička br. 47, br. 81-05-23 od 26.05.2023. godine za nabavku usluga - izrada akta o procjeni rizika na radnim mjestima, periodični pregled i ispitivanje fizičkih, hemijskih i bioloških štetnosti mikroklimе, izrada internog akta o zaštiti na radu, pregled sredstava za rad, putem konkurentskog zahtjeva za dostavu ponuda, u ukupnom iznosu od 8.150,00 KM bez PDV-a, odnosno 9.535,50 KM sa PDV-om.
- II. Obavezuje se ponuđač iz člana 1. ove Odluke da u roku od 3 (tri) dana od dana prijema odluke o izboru najpovoljnijeg ponuđača, dostavi dokumentaciju traženu tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

- III. Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.
- IV. Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.
- V. Protiv ove Odluke dozvoljena je žalba u roku od 5 (pet) dana od dana prijema iste, a koja odlaže izvršenje.

O b r a z l o ž e n j e

Postupak za javnu nabavku usluga - izrada akta o procjeni rizika na radnim mjestima, periodični pregled i ispitivanje fizičkih, hemijskih i bioloških štetnosti mikroklimе, izrada internog akta o zaštiti na radu, pregled sredstava za rad, putem konkurentskog zahtjeva za dostavu ponuda, putem konkurentskog zahtjeva za dostavu ponuda, pokrenut je Odlukom Direktora o pokretanju postupka javne nabavke br. 903/23 od 17.05.2023. godine.

Procijenjena vrijednost javne nabavke iznosi 23.750,00KM bez PDV-a. Komisija za javne nabavke imenovana je Rješenjem br. 904/23 od 17.05.2023. godine.



Obavještenje o nabavci i tenderska dokumentacija su objavljeni na Portalu javnih nabavki dana 19.05.2023. godine u 10:56 sati pod brojem: 269-7-2-65-3-28/23, a sažetak Obavještenja o nabavci objavljen je u „Službenom glasniku BiH“ br. 38/2023.

Krajnji rok za dostavu ponuda je bio 30.05.2023. godine do 10:00 sati. Komisija za javne nabavke je utvrdila da su do krajnjeg roka za dostavu ponuda ukupno pristiglo 5 (pet) ponuda, i to:

	Broj protokola	Naziv/ Ime ponuđača	Datum i sat prijema
1	354/23	Institut za sigurnost i okoliš d.o.o. Tuzla	24.05.2023. godine u 09:44 sati
2	358/23	"MULTI LAB" d.o.o. Tuzla	26.05.2023. godine u 08:32 sati
3	364/23	GRANULO-RE d.o.o. Sarajevo	29.05.2023. godine u 09:15 sati
4	365/23	TQM D.O.O. Institut za kvalitet, standardizaciju i ekologiju Lukavac	29.05.2023. godine u 09:40 sati
5	368/23	VATROSISTEMI d.o.o. Sarajevo	30.05.2023. godine u 09:02 sati

U skladu sa članom 63. Zakona o javnim nabavkama, istog dana u prostorijama JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova Komisija je pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kako slijedi:

Broj protokola ugovornog organa	Redni broj	Ponuđač	Ukupna cijena bez PDV-a sa popustom (KM)	Popust	Ukupna cijena sa PDV-om i popustom (KM)
354/23	1	Institut za sigurnost i okoliš d.o.o. Tuzla	23.250,00	0,00	27.202,50
358/23	2	"MULTI LAB" d.o.o. Tuzla	23.740,00	0,00	27.775,80
364/23	3	GRANULO-RE d.o.o. Sarajevo	23.745,00	0,00	27.781,65
365/23	4	TQM D.O.O. Lukavac	23.725,00	0,00	27.758,25
368/23	5	VATROSISTEMI d.o.o. Sarajevo	23.684,40	0,00	27.710,75

Na javnom otvaranju ponuda nije bilo prisutnih ponuđača. Zapisnik o otvaranju ponuda br. 1010/23 od 30.05.2023. godine je dostavljen učesnicima predmetnog postupka putem e-maila u zakonom predviđenom roku.

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponude u smislu provjere njenih validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno podzakonskim aktima o čemu je sačinjen Zapisnik o pregledu i ocjeni ponuda br. br. 1078/23 od 07.06.2023.godine, u kojem je utvrđeno sljedeće:



- da je u predviđenom roku, u propisno upakovanim kovertama, pristiglo ukupno pet (5) ponuda, i to ponuđača: Institut za sigurnost i okoliš d.o.o. Tuzla, "MULTI LAB" d.o.o. Tuzla, GRANULO-RE d.o.o. Sarajevo, TQM d.o.o. Lukavac i VATROSISTEMI d.o.o. Sarajevo;
- da nije bilo neblagovremenih ponuda;
- da prilikom računске kontrole, a u skladu sa članom 17. Uputstva za pripremu modela tenderske dokumentacije i ponuda, u zaprimljenim ponudama nema računskih grešaka;
- da je ponuđač "MULTI LAB" d.o.o. Tuzla vršio ispravke u ponudi upotrebom bijele farbe (tzv. korektora). Ponuđač je postupio suprotno članu 18. stav (1) tačka m) Uputstva za pripremu modela tenderske dokumentacije i ponuda, te ispravke u ponudi nisu izvršene na način da su iste vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke;
- da u ponudama ponuđača Institut za sigurnost i okoliš d.o.o. Tuzla, GRANULO-RE d.o.o. Sarajevo, TQM d.o.o. Lukavac i VATROSISTEMI d.o.o. Sarajevo nisu vršene ispravke u ponudama;
- da niti jedna dostavljena ponuda nije ocijenjena kao ponuda sa neprirodno niskom cijenom u smislu člana 66. ZJN i člana 17. Uputstva za pripremu modela tenderske dokumentacije i ponuda;
- da su pristigle ponude ponuđača: Institut za sigurnost i okoliš d.o.o. Tuzla br. 17-27-P/V-23 od 19.05.2023. godine, GRANULO-RE d.o.o. Sarajevo br. 81-05-23 od 26.05.2023. godine, TQM d.o.o. Lukavac br. 1-646-2962/23 od 26.05.2023. godine i VATROSISTEMI d.o.o. Sarajevo br. 23-0100-001322 od 25.05.2023. godine ocijenjene prihvatljivim u formalno-pravnom, ekonomskom i tehničkom smislu, odnosno iste su u skladu sa tenderskom dokumentacijom, ispunjavaju kriterije za kvalifikaciju i ne prelaze planirana, odnosno osigurana novčana sredstva ugovornog organa za predmetnu nabavku;
- da se ponuda ponuđača "MULTI LAB" d.o.o. Tuzla sa sjedištem u Tuzli isključuje iz postupka javne nabavke iz sljedećih razloga:

- Tačkom 4.5.4 TD propisano je sljedeće: *„Ponuđači su dužni dostaviti popunjen Obrazac za cijenu ponude – Aneks II, u skladu sa svim zahtjevima koji su u njemu definisani, i ponuđač je dužan dati ponudu za sve stavke koje su navedene u obrascu. U slučaju da ponuđač ne popuni obrazac u skladu sa postavljenim zahtjevima, njegova ponuda će biti odbačena.“*

Ponuđač "MULTI LAB" d.o.o. Tuzla nije u cijelosti popunio Obrazac za cijenu ponude (Aneks II), odnosno nije upisao ukupnu cijenu bez PDV-a, te je na taj način postupio suprotno zahtjevu ugovornog organa iz tačke 4.5.4 tenderske dokumentacije.

- Tačkom 4.11.1 TD propisano je sljedeće: *„Nacrt ugovora je dat u Aneksu V ove tenderske dokumentacije. Ponuđač **mora da popuni** nacrt ugovora sa svojim podacima i detaljima koji su sadržani u ponudi (tj. generalije ponuđača, cijena i drugi podaci).“* Dalje, u napomeni nacrtu ugovora, naznačeno je sljedeće: *„**Napomena:** Ovaj nacrt ugovora treba popuniti (generalije ponuđača, cijenu i ostalo). Nacrt ugovora potrebno je potpisati i ovjeriti u skladu sa članom 9. stav (2) pod g) Uputstva za pripremu modela TD.“*

Ponuđač "MULTI LAB" d.o.o. Tuzla u Nacrt ugovora o nabavci usluga - izrada akta o procjeni rizika na radnim mjestima, periodični pregled i ispitivanje fizičkih, hemijskih i bioloških štetnosti mikroklima, izrada internog akta o zaštiti na radu, pregled sredstava za rad (Aneks V) nije unio cijenu ponude (vrijednost ugovora) u član 3., te je na taj način postupio suprotno zahtjevu ugovornog organa iz tačke 4.11.1 tenderske dokumentacije.

- Ponuđač "MULTI LAB" d.o.o. Tuzla je na stranici br. 2. ponude, tačnije u Sadržaju ponude, te na stranici br. 21 Obrasca za ponudu – Izjava ponuđača, u dijelu rok važenja ponude, vršio ispravke upotrebom bijele farbe (tzv. korektora). Ponuđač je postupio suprotno članu 18. stav (1) tačka m) Uputstva za pripremu modela tenderske dokumentacije i ponuda, te ispravke u ponudi nisu izvršene na način da su iste vidljive (ispravljeni podaci moraju biti vidljivi), potvrđene potpisom ponuđača i sa



datumom izvršene ispravke. Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", br. 90/14 i 20/15) navodi da "Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke. Korištenje korektora u konkretnim slučajevima teško da može zadovoljiti zahtjev da ispravka bude urađena na način da su te ispravke vidljive". Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj: JN2-03-07-1-1261-8/16 od 12.01.2017. godine i JN2-02-07-1-628-6/17 od 01.02.2018. godine, je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih. Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke smatra da je ponuđač "MULTI LAB" d.o.o. Tuzla postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

Zbog prethodno navedenog, a u skladu sa odredbom člana 2. stav (1) tačka 1) i člana 68. stav 4. Zakona o javnim nabavkama BiH ("Službeni glasnik BiH", broj 39/14 i br. 59/22) predmetna ponuda nije u skladu sa tenderskom dokumentacijom, te se ista odbacuje kao nepravilna.

- da je tenderskom dokumentacijom u tački 4.13 predviđeno provođenje e-aukcije, te je Komisija u skladu sa članom člana 64. stav (1) tačka b) Zakona o javnim nabavkama („Službeni Glasnik BiH" br. 39/14 i br. 59/22), odnosno primjenom kriterija „najniža cijena“ i Pravilnika o uslovima i načinu korištenja e-aukcije („Službeni glasnik BIH“, br. 66/16), utvrdila početnu rang listu ponuđača kako slijedi:

Red. broj	Naziv/ime ponuđača	Početna cijena u KM bez PDV-a
1.	Institut za sigurnost i okoliš d.o.o. Tuzla	23.250,00
2.	VATROSISTEMI d.o.o. Sarajevo	23.684,40
3.	TQM D.O.O. Lukavac	23.725,00
4.	GRANULO-RE d.o.o. Sarajevo	23.745,00

Izveštajem o toku i završetku e-aukcije od 07.06.2023. godine, koji je preuzet iz sistema e-nabavke, konstatovano je da je e-aukcija trajala od 12:50 do 14:04 sati, sa konačnom rang listom ponuđača koji su učestvovali u e-aukciji, kako slijedi:

Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponuđene cijene nakon završene e-aukcije	Rang
1.	GRANULO-RE d.o.o. Sarajevo	8.150,00	65,68%**	1
2.	VATROSISTEMI d.o.o. Sarajevo	8.200,00	65,38%**	2
3.	Institut za sigurnost i okoliš d.o.o. Tuzla	12.000,00	48,39%**	3
4.	TQM D.O.O. Lukavac	20.000,00	15,7%**	4



U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“ br. 39/14 i br. 59/22), podzakonskim aktima, internim aktima i tenderskom dokumentacijom.

Imajući u vidu navedeno u skladu sa članom 64. stav (1), tačka b) Zakona o javnim nabavkama a nakon provedene e-aukcije, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

JP „LOKOM“ d.o.o. Sarajevo
Direktor

Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.